

# جات التباشير



سالم بن أحمد البديد المناعي

جات التباشير عجلاً والشاعر خطام  
والفجر خنقة مساً والصبح ضحكة فقير  
الحمد لله وحده والثنا والسلام  
اللي له أوكل أمروري وفيه استخير  
وانالي الحق افاخر في قصيدي مدام  
مانى على الطايله ناقص ولاني قصير  
شاعر يبجل خطاه الصمت قبل الكلام  
وإن جيت بالصف الاول ما اعرف الاخير  
يشهد لي الاصمعي والشافعى الامام  
ويشهد زهير ابن ابي سلمى على وجري  
ان ما حضرت أكسر حدودي واطال الغمام  
ولا بلاش اتعب انفاسي واعود حسیر  
هنا هنا يتکي دام المشاعر خيام  
وطاريك يأتي على صدرى ظلال الهجير  
استحرک في حنایا وأزیدك هیام  
واتھیج الصدر وسمیة غلاتك وأثير  
شیخة حسن.. تخطف الانظار.. صعبه مرام  
ما تبغي الا حمد تشره عليه وتغير  
حمد وفيك الوطن يبقى على ما يرام  
ياللي بك يصير ما لا يمكن انه يصير  
اضرب عليك المثل.. يوم المواقف عظام  
غيرك على مضرب الامثال ما هو جدير  
لا اشتدت الاحزمه واحتدى فوق الزحام  
واهتدت العاديات اتجرى صوت النذير  
تافق لها سيف حاسم لو عصاك المقام  
وتتشب في عالي المرقب نار السعير  
جلبة ضجيج الوغى هيمنت فيها هیام  
لا من غشانا من رياح العوازل صفير  
دفت روس العدا في الارض مثل النعام  
ولا تحير بنهایتها ولا تستشير  
قدام.. قدام واحنا دون ارضك زمام  
ما نسألك لو على وين العزييمه.. نسير  
ما دام هالارض تخطي كل خطوة سلام  
نسبق على هامة العزة صغير وكبير  
دون الوطن يا حمدنا لك سنود وحزام  
ناتي ملاهييف للفزعه وحد الشطير  
ما نسائلك وش هو الخذلان والانهزام  
لان النصر خابرينه مثل قرض الشعير  
هذا الوطن في محك الضيق والاحتدام  
تنفك ارقاب دونه.. ويتحدد مصير  
هيبتك تخنق صنادييد الوغى باللثام  
ووقوفك يزيح هم المنغلب والكسير  
ديم المحبه على شبك تشق الغمام  
ينبع كرمك بوطننا مثل نبع الغدير  
مانت بكرم.. انت من خلد طغاة الكرام  
قلبك حرم من رياضن العالم المستدير  
استغفر الله ولكن المدائح حرام  
في غيرك ولو عسفها في المجالل خبير  
من حق كل المشارف تنحني له مدام  
لها بالامجاد تارييخ بذكره شهير  
ان ما مشى للعلا جئه العلا بانخدم  
يامر وينهي وهو بالمخبره مستطير  
مثل الوحش لا قنصها قبل غيره وحام  
ومن قو باسه نكبها وهو عاده يطير  
تفطر عليك المشاعر بعد طول الصيام  
وتمتد تحتك امانينا فراش وحصیر  
وادا بصرح وباقول انك اكبر وسام  
ما هو تكبر ولكن نزعه امن الضمير  
تحدني لك ولا مرت مرور الكرام  
شمسيك اذا شعشت تكسر عيون البصیر  
عيير جودك.. يسولف عنه نفح الخزام  
وكل الخزامي على جودك تسولف عيير  
ياما من ايدينك اسقيت القفار الحيام  
وياما من فعولك الممحل تکبد خرير  
المجيشهد.. ولكنه قليل اهتمام  
لو كان تتردد الاسماء حوله كثير  
ومن جبت له سيرتك فز بمكانه وقام  
مكتظ باسمك وكنك وسط جوفه اسیر  
لا للنزاعات والتحريض والانقسام  
ونعم للاخلاص بالدم العريق الغزير  
ياللي وجودك حوالينا دفا وانسجام  
ياللي قدومك هروب البرد والزمهرير  
أهم شيء إنك بخير وأمورك تمام  
إذا أمرتك تمام أكيد حنا بخير  
وعساج يا ديرة البحرين في كل عام  
مقعادك بهامة العزه ولبسك حرير